



CONCELLO DE ARANGA

Polo presente anuncio ponse en coñecemento dos interesasdos/as que a alcaldía deste Concello de Aranga ven de aprobar as bases da convocatoria pública de subvencións dirixidas ao alumnado do CEIP de A Castellana para adquisición de material escolar durante o curso 2025/2026. Outorgase o prazo de trinta días naturais a contar dende o seguinte a insercción do anuncio no Boletín Oficial da Provincia, para a presentación de solicitudes.

Aranga, 17 de setembro de 2025

O alcalde

Asdo. Alberto Platas Álvarez

BASES DA CONVOCATORIA DE CONCESIÓN DE AXUDAS DIRIXIDAS AO ALUMNADO DO CEIP A CASTELLANA PARA A ADQUISICIÓN DE MATERIAL ESCOLAR DURANTE O CURSO 2025/2026

Primeira: Obxecto da convocatoria

A presente convocatoria ten por obxecto o cofinanciamento da adquisición de material escolar para as familias do concello de Aranga con nenos/as cursando estudos de educación infantil e primaria no centro público sito no termo municipal de Aranga.

As subvencións obxecto desta convocatoria efectuaranse con cargo á aplicación orzamentaria 2025.0.0. 231.48002 do vixente orzamento municipal.

Segunda: Destinatarios das axudas

1. Poderán solicitar estas axudas aqueles cidadáns que reúnan os requisitos previstos no parágrafo terceiro deste apartado.

2. As axudas cubrirán, por un importe máximo de **85 €** (por alumno/a e curso) necesidades nas áreas de instrución ou educación. No concepto de material escolar inclúese o material necesario para o desenvolvemento do curso académico en función das diferentes obrigas establecidas polo colexio así como das técnicas de aprendizaxe utilizadas (mandilón, chándal, material informático, máscaras, etc).

3. Requisitos que deberá reunir o/a solicitante:

a) Polo menos un do pai/nai/titor legal e máis o fillo/a para o que se destinará a axuda deberán estar empadroados no Concello de Aranga cun mínimo de **6 meses de**

antigüidade, agás os supostos excepcionais previamente acreditados pola educadora familiar.

b) Ter a garda e custodia do/a menor.

c) Que o/a menor estea matriculado nalgún curso de educación infantil ou primaria do centro de ensinanza pública do Concello de Aranga.

d) Estar ao corrente no pagamento dos tributos municipais.

Terceira: Solicitud

1. Os solicitantes presentarán unha solicitude por cada unidade familiar, no modelo oficial que se xunta como anexo e que se facilitará nas oficinas municipais.



CONCELLO DE ARANGA

2. A presentación da solicitude implicará a autorización ao Concello para a comprobación dos datos declarados nela (empadramento, DNI, ausencia de débedas, etc) e a aceptación das condicións das bases.

3. O modelo de solicitude deberá ir acompañado polos seguintes documentos (orixinais ou copias compulsadas):

- Número da conta bancaria do/a solicitante para realizar o ingreso (presentarase unha certificación bancaria ou unha copia dun recibo/libreta na que apareza o número de conta co IBAN e nome do titular).

- Factura do gasto realizado para a o curso escolar 2025/2026.

4. O prazo de presentación de solicitudes é de **30 días naturais**, que se contarán a partir do día seguinte á publicación destas bases no Boletín Oficial da Provincia.

5. As solicitudes presentaranse no rexistro xeral do Concello de Aranga ou nos lugares previstos no artigo 38.4 da Lei 30/1992, do 26 de novembro.

6. A documentación que se achegue deberá ter validez no momento da presentación da solicitude.

Cuarta: Estudo das solicitudes e adxudicación

1. Unha vez que finalice o prazo de presentación de solicitudes procederase á verificación de que están completas e que ningún documento contén erros.

2. A continuación procederase a confeccionar a relación de solicitudes que fosen declaradas completas e de seguido ditarase unha proposta de resolución dándolle traslado ao órgano competente para a súa aprobación.

3. Logo de conceder a axuda, o Concello de Aranga efectuará a oportuna notificación no taboleiro de edictos da súa sede electrónica.

Quinta: Pagamento da axuda, xustificación e reintegro

1. As axudas concedidas serán ingresadas na conta bancaria facilitada xunto coa solicitude.
2. A non xustificación de todo ou parte da axuda dará lugar ao reintegro do importe non xustificado xunto cos xuros de mora que correspondan.



CONCELLO DE ARANGA

Sexta: Compatibilidade da subvención

A concesión destas axudas será compatible con calquera outro tipo de axuda ou subvención que se poida recibir coa mesma finalidade doutras entidades públicas ou privadas, sempre que as axudas concorrentes non superen o custo do material escolar subvencionado.

Disposición adicional

Para o non previsto na presente ordenanza será de aplicación o que se dispón na Lei 38/2003 xeral de subvencións.

Contra esta ordenanza poderá interpoñer un recurso contencioso administrativo ante a sala do Contencioso-Administrativo do Tribunal Superior de Xustiza de Galicia, con sede na Coruña, no prazo de dous meses que se contarán a partir do día seguinte ao da publicación no Boletín Oficial da Provincia, de conformidade co artigo 46 da Lei 29/1998, de 13 de xullo, da xurisdición contencioso-administrativa.

Todo isto sen prexuízo de que poida exercitar calquera outro recurso que estime pertinente.

ANEXO

SOLICITUDE DE CONCESIÓN DE AXUDAS AO ALUMNADO PARA A ADQUISICIÓN DE MATERIAL ESCOLAR, CURSO 2025/2026

D./D^a. _____, con DNI
_____, e enderezo en _____,
parroquia de _____, teléfono _____, como
pai/nai/acolledor legal do neno/a
_____,
_____.

EXPOÑO:

Que tiven coñecemento da convocatoria de Axudas ao alumnado do CEIP A Castellana para a adquisición de material escolar, para o curso 2025/2026, e que reúno os requisitos esixidos nela, polo que,

SOLICITO:

A concesión dos beneficios que se establecen na citada convocatoria.

A tal efecto, adxunto:

- Número da conta bancaria do/a solicitante para realizar o ingreso (presentase unha certificación bancaria ou unha copia dun recibo/libreta na que apareza o número de conta co IBAN e nome do titular).
- Factura do gasto realizado para a o curso escolar 2025/2026.

Aranga, _____ de _____ de 2025.

ALCALDE DO CONCELLO DE ARANGA.”